

კერძო სამართლის არასამეწარმეო (არაკომერციული) იურიდიული პირის „შუახვევის ბაგა-ბაღების გაერთიანება“

წესდება

თავი I. ზოგადი დებულებანი

მუხლი 1. დაწესებულების სამართლებრივი სტატუსი

1. კერძო სამართლის არასამეწარმეო (არაკომერციული) იურიდიული პირი – „შუახვევის ბაგა-ბაღების გაერთიანება“ (შემდგომში - ბაგა-ბაღების გაერთიანება) არის მუნიციპალური სკოლამდელი საამღრდელო დაწესებულება, რომელიც სახელმწიფო კონტროლით, სკოლამდელი აღზრდა-განათლების კონცეფციის, საგანმანათლებლო პროგრამის და ამ წესდების შესაბამისად ახორციელებს საამღრდელო-საგანმანათლებლო საქმიანობას;

2. „შუახვევის ბაგა-ბაღების გაერთიანება“ წარმოადგენს საქართველოს კანონმდებლობის საფუძველზე შექმნილ კერძო სამართლის არასამეწარმეო (არაკომერციულ) იურიდიულ პირს და იგი შექმნილია კერძო სამართლის არასამეწარმეო (არაკომერციული) იურიდიული პირების - შუახვევის მუნიციპალიტეტის ტერიტორიაზე მოქმედი ბაგა-ბაღების ბაზაზე და მისი დამფუძნებელია შუახვევის მუნიციპალიტეტის საკრებულო;

3. ბაგა-ბაღების გაერთიანება თავის საქმიანობაში ხელმძღვანელობს საქართველოს კანონმდებლობით და წინამდებარე წესდებით;

4. ბაგა-ბაღების გაერთიანება სარგებლობს კერძო სამართლის არასამეწარმეო (არაკომერციული) იურიდიული პირის უფლებებით;

5. ბაგა-ბაღების გაერთიანება კანონმდებლობით და ამ წესდებით განსაზღვრული მიზნებისა და დაკისრებული ფუნქციების განსახორციელებლად, საკუთარი სახელით იძენს ქონებრივ და პირად არაქონებრივ უფლებებს, კისრულობს მოვალეობებს, დებს გარიგებებს, საკუთარი სახელით გამოდის სასამართლოში მოსარჩლედ და მოპასუხედ, აგრეთვე მესამე პირთან ურთიერთობაში.

6. ბაგა-ბაღების გაერთიანებას აქვს დამოუკიდებელი ბალანსი, ანგარიში ბანკში, ბეჭედი, შტამპი და კერძო სამართლის არასამეწარმეო (არაკომერციული) იურიდიული პირის სხვა რეკვიზიტები, ის ანგარიშსწორებას აწარმოებს სახაზინო ანგარიშიდან.

7. ბაგა-ბაღების გაერთიანების იურიდიული მისამართია: დაბა შუახვევი რუსთაველის შესახვევი №5

მუხლი 2. დაწესებულების მიზანი, ფუნქციები და ამოცანები

1. ბავშვის გონებრივი, ზნეობრივი, ფიზიკური, ესთეტიკური და სოციალურ-ემოციური განვითარება;

2. ბავშვის მოვლა, გაჯანსაღება, ასაკისა და ინდივიდუალური შესაძლებლობების შესაბამისი ცოდნით უზრუნველყოფა;

3. ბავშვის შემოქმედებითი შესაძლებლობებისა და ინტერესების განვითარება;

4. საზოგადოებასთან ურთიერთობის უნარ-ჩვევების შექმნა.



თავი II. საგანმანათლებლო-სააღმზრდელო პროცესის ორგანიზაცია

მუხლი 3. საგანმანათლებლო-სააღმზრდელო პროცესი

1. დაწესებულების საგანმანათლებლო-სააღმზრდელო პროცესი უნდა უზრუნველყოფდეს შესაბამისი პროგრამის შესრულებას. დასაშვებია ალტერნატიული, ვარიანტული პროგრამებითა და შესაბამისი ტექნოლოგიებით სარგებლობა.
2. დაწესებულების საგანმანათლებლო-სააღმზრდელო პროცესის ორგანიზაციის ფორმები აისახება შინაგანაწესით, რომელსაც ამტკიცებს დირექტორი, შუახვევის მუნიციპალიტეტის გამგებულთან შეთანხმებით.
3. საგანმანათლებლო-სააღმზრდელო პროცესის ძირითადი მონაწილეები არიან: ბავშვები - აღმზრდელები - მშობლები (კანონიერი წარმომადგენლები).
4. აღმზრდელებსა და ბავშვს შორის ურთიერთდამოკიდებულება აიგება თანამშრომლობის, ბავშვის პიროვნებისადმი პატივისცემისა და ინდივიდუალური თავისებურებების გათვალისწინებით, მისთვის თავისუფალი განვითარების პირობების შექმნის საფუძველზე.
5. დაწესებულების შინაგანაწესით, გარდა დადგენილი წესისა, დაწვრილებით უნდა აისახოს დაწესებულებაში აღსაზრდელო მიღებისა და მათი მოძრაობის პირობები, დღის რეჟიმი, კვების ჯერადობა, სტანდარტზევით და დამატებითი მომსახურეობისათვის საფასურის ოდენობა და გადახდის წესი.
6. დირექტორი ვალდებულია აღსაზრდელის დაწესებულებაში მიღებამდე, მის მშობელს (კანონიერ წარმომადგენელს) გააცნოს დაწესებულების შინაგანაწესი.

მუხლი 4. დაწესებულებაში აღსაზრდელის მიღების ზოგადი პირობები

1. ბაგა-ბაღში მიიღებიან აღსაზრდელები, რომელთა ასაკი და ჯანმრთელობის მდგომარეობა შეესაბამება დაწესებულებაში აღზრდა-განვითარებისათვის კანონმდებლობით დადგენილ ნორმებს.
2. ბაგა-ბაღში აღსაზრდელო მიღების შესახებ გადაწყვეტილებას იღებს ბაგა-ბაღების გაერთიანების დირექტორი.
3. აღსაზრდელის დაწესებულებაში მიღებისათვის კანონმდებლობით გათვალისწინებული წესით აუცილებელია შემდეგი საბუთების წარდგენა:
  - ა) დაბადების მოწმობის ასლი - დამოწმებული ნოტარიულად;
  - ბ) ცნობა ჯანმრთელობის მდგომარეობის შესახებ;
  - გ) აღსაზრდელის მშობლის (კანონიერი წარმომადგენლის) განცხადება.
4. ბაგა-ბაღში აღსაზრდელო მიღების შემთხვევაში დაწესებულებასა და აღსაზრდელის მშობელს (კანონიერი წარმომადგენლის) შორის ფორმდება წერილობითი ხელშეკრულება, რომელშიც დეტალურად განისაზღვრება მხარეთა უფლება-მოვალეობანი. ხელშეკრულება უნდა შეესაბამებოდეს კანონმდებლობასა და წინამდებარე წესდებას.
5. დაწესებულებაში ბავშვის მიღებაზე უარი უნდა იყოს დასაბუთებული და წერილობით უნდა ჩაბარდეს აღსაზრდელის მშობელს (კანონიერი წარმომადგენლს).

მუხლი 5. ბაგა-ბაღში სააღმზრდელო ჯგუფების დაკომპლექტება

1. ბაგა-ბაღების გაერთიანებაში სააღმზრდელო ჯგუფების დაკომპლექტება ხდება აღსაზრდელი ბავშვის ასაკის მიხედვით:
  - ა) უმცროსი ჯგუფი (ბაგა) 1,5-3 წლის ჩათვლით დაბა შუახვევის სტრუქტურულ ერთეულში.
  - ბ) უფროსი საშუალო (შერეული) 3-4,5 წლის ჩათვლით დაბა შუახვევის სტრუქტურულ ერთეულში
  - გ) უფროსი სასკოლო (შერეული) 4,5-6 წლამდე
2. ამ მუხლის პირველ პუნქტის მოთხოვნები არ ვრცელდება გაერთიანების სხვა სტრუქტურულ ერთეულებზე და მათშიც ვრცელდება შუახვევის სტრუქტურული ერთეულისა)



ჯგუფების ასაკობრივი დაკომპლექტება მოხდება შერეული წესით, ჯგუფში არანაკლებ 7 აღსაზრდელისა.

3. ბაგა-ბაღების გაერთიანებაში სააღმზრდელო ჯგუფებში ბავშვთა მაქსიმალური რაოდენობა განსაზღვრულია არა უმეტეს:

- ა) უმცროსი ჯგუფი (ბაგა) - 25+1 აღსაზრდელი;
- ბ) საშუალო ჯგუფი - 35+1 აღსაზრდელი;
- გ) უფროსი ჯგუფი - 35+1 აღსაზრდელი.

4. ჯგუფში 7 ბავშვზე ნაკლები რაოდენობის შემთხვევაში, მოსამსახურე პერსონალის შრომის ანაზღაურება მოხდება დაბალი განაკვეთით.

5. ორ წლამდე ასაკის აღსაზრდელის მიღება შეიძლება მშობელთა განცხადების და დაწესებულების სტანდარტებთან შესაბამისობის გათვალისწინებით, შუახვევის მუნიციპალიტეტის გამგეობის განათლების, კულტურის, სპორტის, ტურიზმისა და ძეგლთა დაცვის სამსახურის თანხმობით.

6. მცირე კონტინგენტის გათვალისწინებით დასაშვებია შერეული ჯგუფების გახსნა.

7. შეიძლება ერთ ჯგუფში მიღებული იქნას არაუმეტეს ორი შეზღუდული შესაძლებლობის მქონე ბავშვი.

8. დაწესებულება ბავშვის მრავალმხრივ განვითარების მიზნით (ფიზიკური, ინტელექტუალური, სოციალური, შემეცნებითი, ესთეტიკური) ქმნის მუშაობის სპეციალურად ორგანიზებულ ფორმებს (მეცადინეობა) და პირობებს ბავშვის არარეგლამინტირებული მოქმედებისათვის (თამაში, კონსტრუქტირება, ხატვა და ა. შ.).

9. საშუალო დღის ხანგრძლივობა განისაზღვრება შინაგანაწესით;

10. ბაგა-ბაღში განსაზღვრული დროით ყოფნისას, დაწესებულება ახორციელებს ბავშვის მოვლას, მეთვალყურეობას, იცავს მის სიცოცხლესა და ჯანმრთელობას, უსაფრთხოებას, უზრუნველყოფს შინაგანაწესით დადგენილი სარეჟიმო მომენტების შესრულებას, სანიტარულ-ჰიგიენური და გამაჯანსაღებელი პროცედურების ჩატარებას, ჯანდაცვის სამინისტროს მიერ შემუშავებული სტანდარტების შესაბამისად კვების ორგანიზაციას და ა.შ.;

11. დაწესებულება მშობელთა ინტერესების გათვალისწინებით განსაზღვრავს როგორც ძირითად, ასევე სტანდარტზევით მომსახურეობის სახეებს ბავშვებისათვის, რაც ფორმდება ხელშეკრულებით, კანონმდებლობის ფარგლებში.

### თავი III. ბაგა-ბაღების გაერთიანების სტრუქტურა და მართვა

მუხლი 6. შუახვევის ბაგა-ბაღების გაერთიანების სტრუქტურა და მისი მუშაობის ორგანიზება

1. შუახვევის ბაგა-ბაღების გაერთიანება შედგება ბაგა-ბაღების გაერთიანების დირექტორისა და სტრუქტურული ქვედანაყოფების - ფილიალებისაგან.

2. შუახვევის ბაგა-ბაღების გაერთიანება თავის უფლებამოსილებას ახორციელებს სტრუქტურული ქვედანაყოფების (ფილიალების) მეშვეობით.

3. შუახვევის ბაგა-ბაღების გაერთიანების სტრუქტურული ქვედანაყოფები - ფილიალებია:

- ა) დაბა შუახვევის სტრუქტურული ერთეული;
- ბ) მახალაკიძეების სტრუქტურული ერთეული;
- გ) უჩამბის სტრუქტურული ერთეული;
- დ) ნიგაზეულის სტრუქტურული ერთეული;
- ე) ჭვანის სტრუქტურული ერთეული.

4. ბაგა-ბაღების გაერთიანების ფილიალები შედგება ფილიალის ხელმძღვანელისა და ფილიალის მოსამსახურეებისაგან.

5. ფილიალის საქმიანობის მართავს ფილიალის ხელმძღვანელი, ხოლო მის არყოფნის შემთხვევაში, თავისი უფლებამოსილების განხორციელების შეუძლებლობის (დროებითი შრომისუნარობის) შემთხვევაში, მისი მოვალეობები ითრებს ფილიალის არსებობისას ხელმძღვანელისათვის შრომითი



ურთიერთობის დროებით შეჩერებისა, მის მოვალეობას შუახვევის მუნიციპალიტეტის გაერთიანების დირექტორის დავალებით ასრულებს ფილიალის ერთ-ერთი მოსამსახურე ბაგა-ბალების გაერთიანების დირექტორის დავალებით;

6. ბაგა-ბალების გაერთიანების ფილიალში მოსამსახურეებს თანამდებობაზე ნიშნავს და ათავისუფლებს „საქართველოს შრომის კოდექსის“ შესაბამისად ბაგა-ბალების გაერთიანების დირექტორი.

### მუხლი 7. ბაგა-ბალების გაერთიანების ხელმძღვანელობა

1. ბაგა-ბალების გაერთიანებას მართავს (ხელმძღვანელობს) დირექტორი, რომელსაც გააჩნია ბაგა-ბალების გაერთიანების წარმომადგენლობითი უფლებამოსილება.

2. ბაგა-ბალების გაერთიანების დირექტორი შეიძლება იყოს უმაღლესი განათლების მქონე საქართველოს მოქალაქე.

3. დირექტორს თანამდებობაზე ნიშნავს და თანამდებობიდან ათავისუფლებს შუახვევის მუნიციპალიტეტის გამგებელი.

4. ბაგა-ბალების გაერთიანების დირექტორის მიერ თავისი უფლებამოსილების განხორციელების შეუძლებლობის (დროებითი შრომისუნარობის) გამო ან სხვა საფუძვლის არსებობისას დირექტორისათვის შრომითი ურთიერთობის დროებით შეჩერების დირექტორის დროებით მოვალეობის შემსრულებლის განსაზღვრის შესახებ გადაწყვეტილებას ღებულობს მუნიციპალიტეტის გამგებელი.

### მუხლი 8. უფლება-მოვალეობანი

1. ბაგა-ბალების გაერთიანების დირექტორს უფლება აქვს:

ა) თავისი უფლებამოსილების ფარგლებში გამოსცეს ბრძანებები, რომელიც სავალდებულოა შესასრულებლად გაერთიანების ყველა მუშაკისათვის;

ბ) კანონმდებლობით დადგენილი წესითა და თავისი კომპეტენციის ფარგლებში დადოს შრომის და სხვა ხელშეკრულებები (გარიგებები), ხელი მოაწეროს ფინანსური სახსრების განკარგვისა და სხვა ოფიციალურ დოკუმენტებს;

გ) ბაგა-ბალების გაერთიანების საქმიანობიდან გამომდინარე ერთპიროვნულად მიიღოს გადაწყვეტილება;

დ) მუშაობის ძირითადი მიმართულების შესაბამისად შუახვევის მუნიციპალიტეტის გამგებლის თანხმობით ამტკიცებს ბაგა-ბალების გაერთიანების საშტატო ნუსხას და თანამდებობრივ სარგოებს, მენიუს და კვების ნორმებს;

ე) მოითხოვოს თანამშრომლებისაგან და მშობლებისგან დაიცვან მოქმედი კანონმდებლობით, წესდებითა და შინაგანაწესით განსაზღვრული მოთხოვნები;

ვ) წარმოადგინოს ბაგა-ბალების გაერთიანება მესამე პირთან ურთიერთობაში და იმოქმედოს საზოგადოების სახელით;

ზ) თანამშრომლებისაგან მიიღოს ინფორმაცია საგანმანათლებლო-სააღმზრდელო პროცესის მსვლელობის შესახებ;

თ) შუახვევის მუნიციპალიტეტის გამგებელთან შეთანხმებით დაამტკიცოს ბაგა-ბალების გაერთიანების შინაგანაწესი. აგრეთვე შუახვევის მუნიციპალიტეტის გამგებელთან შეთანხმებით, მშობელთა მოთხოვნების გათვალისწინებით დაამტკიცოს სტანდარტს ზევითი დამატებითი მომსახურების ნუსხა და ღირებულება;

ი) საქართველოს სამოქალაქო კოდექსისა და მოქმედი კანონმდებლობის შესაბამისად განკარგოს ბაგა-ბალების გაერთიანების საკუთრებაში არსებული ქონება, თუ ქონების განკარგვა ხელს უწყობს ბაგა-ბალების გაერთიანებას საქმიანობას, მის ორგანიზაციულ განვითარებასა და მიზნების (ამოცანების) განხორციელებას;

კ) არასაბიუჯეტო შემოსავლების არსებობის შემთხვევაში შუახვევის მუნიციპალიტეტის გამგებელთან შეთანხმებით საბიუჯეტო ფონდის შესაბამისად გამოიყენოს სახსრები სახელფასო დანამატებზე, პრემიებზე და სხვა წესდებით.



მინიჭებული სხვა უფლებამოსილებანი.

2. ბაგა-ბალების გაერთიანების დირექტორი ვალდებულია:

ა) დაიცვას მოქმედი კანონმდებლობით, წესდებითა და შინაგანაწესით განსაზღვრული მოთხოვნები;

ბ) უზრუნველყოს ბავშვის ინტერესების დაცვა აღმზრდელებთან (აღმზრდელებთან), მედაპერსონალთან და ბავშვის მშობლებთან უშუალო კავშირში;

გ) პერიოდულად მიაწოდოს ინფორმაცია შუახვევის მუნიციპალიტეტის გამგეობას ბაგა-ბაღში არსებული მდგომარეობის თაობაზე;

დ) ბაგა-ბალების გაერთიანების სახსრების ეფექტურად განკარგვის მიზნით მჭიდროდ ითანამშრომლოს შუახვევის მუნიციპალიტეტის ორგანოებთან;

ე) დაიცვას საქართველოს საერთაშორისო და შიდასახელმწიფოებრივი კანონმდებლობით აღიარებული ბავშვთა უფლებები;

ვ) შექმნას ბავშვებისათვის შესაბამისი საყოფაცხოვრებო პირობები;

ზ) უზრუნველყოს ხარისხიანი კვება და შესაბამისი რეჟიმის დაცვა;

თ) მშობლის მოთხოვნისთანავე მიაწოდოს მას ბაგა-ბალების გაერთიანების წესდება და სხვა ნებისმიერი ინფორმაცია, რომელიც საჯაროა.

3. აღმზრდელი შეიძლება იყოს პირი, რომელსაც არ მიუღწევია საპენსიო ასაკისათვის, აქვს შესაბამისი უმაღლესი განათლება და საგანმანათლებლო დაწესებულებაში მუშაობის გამოცდილება.

4. აღმზრდელის თანაშემწედ (ძიძა) შეიძლება იყოს პირი, რომელსაც არ მიუღწევია საპენსიო ასაკისათვის და აქვს შესაბამისი სფეროში მუშაობის გამოცდილება.

5. აღმზრდელს უფლება აქვს:

ა) მონაწილეობა მიიღოს დაწესებულების საქმიანობაში;

ბ) აიმაღლოს კვალიფიკაცია;

გ) სამსახურებრივი მოვალეობის შესრულებისათვის ხელმძღვანელობისაგან მოითხოვოს შესაბამისი პირობების შექმნა;

დ) მიიღოს გაწეული სამუშაოსათვის შესაბამისი ანაზღაურება.

6. ბაგა-ბალების გაერთიანების აღმზრდელი ვალდებულია:

ა) დაიცვას მოქმედი კანონმდებლობით, წესდებითა და შინაგანაწესით განსაზღვრული მოთხოვნები;

ბ) უზრუნველყოს ბავშვის ინტერესების დაცვა;

გ) საფუძველი ჩაუყაროს ბავშვის ეროვნული და ზოგადსაკაცობრიო ღირებულებების მატარებელი თავისუფალი პიროვნების ჩამოყალიბებას;

დ) უზრუნველყოს სტრუქტურული ქვედანაყოფის ხელმძღვანელობისათვის სააღმზრდელო-საგანმანათლებლო პროცესის მსვლელობის შესახებ ინფორმაციის მიწოდება;

ე) დაიცვას საქართველოს საერთაშორისო და შიდასახელმწიფოებრივი კანონმდებლობით აღიარებული ბავშვთა უფლებები.

7. მშობელს უფლება აქვს:

ა) მოითხოვოს ინფორმაცია საგანმანათლებლო-სააღმზრდელო პროცესის მსვლელობის შესახებ და/ან მიიღოს მონაწილეობა მასში;

ბ) ნებისმიერ დროს გამოითხოვოს ინფორმაცია ბაგა-ბალების გაერთიანებაში არსებულ მდგომარეობასთან დაკავშირებით;

გ) მოითხოვოს წესდების და ბაგა-ბალების გაერთიანების საქმიანობასთან დაკავშირებული სხვა საჯარო დოკუმენტების ასლები;

დ) მოითხოვოს მომზადდეს ბავშვი სკოლისათვის, საფუძველი ჩაეყაროს ეროვნული და ზოგადსაკაცობრიო ღირებულებების მატარებელი თავისუფალი პიროვნების ჩამოყალიბებას;

ე) მოითხოვოს ბავშვის ინტერესების დაცვა.

8. მშობელი ვალდებულია:



ა) ააღიაროს სცეს იაგა-ბალების გაერთიანების კოლექტივის შრომას და ითანამშრომლოს მასთან აღსაზრდელის ინტერესებიდან გამომდინარე;

ბ) დაიცვას მოქმედი კანონმდებლობით, წესდებითა და შინაგანაწესით განსაზღვრული მოთხოვნები.

5. ფსიქოლოგი, ლოგოპედი, მუსიკის მასწავლებელი, დიეტ ექთანი, მზარეული, მწე შეიძლება იყოს პირი, რომელსაც არ მიუღწევია საპენსიო ასაკისთვის და აქვს შესაბამისი განათლება და გამოცდილება.

### მუხლი 9. ბაგა-ბალების გაერთიანების სტრუქტურულ ქვედანაყოფს - ფილიალის ხელმძღვანელობა

1. სტრუქტურულ ქვედანაყოფს - ფილიალს ხელმძღვანელობს სტრუქტურული ქვედანაყოფის - ფილიალის ხელმძღვანელი (მენეჯერი), რომელსაც თანამდებობაზე ნიშნავს და თანამდებობიდან ათავისუფლებს ბაგა-ბალების გაერთიანების დირექტორი.

2. სტრუქტურული ქვედანაყოფის - ფილიალის ხელმძღვანელი:

- ა) უზრუნველყოფს სტრუქტურულ ქვედანაყოფში საგანმანათლებლო-სააღმზრდელო საქმიანობას;
- ბ) ქმნის ბავშვებისათვის შესაბამისი საყოფაცხოვრებო პირობებს;
- გ) უზრუნველყოს ხარისხიანი კვებას და შესაბამისი რეჟიმის დაცვას;
- დ) აკონტროლებს სტრუქტურულ ქვედანაყოფში მოსამსახურეების მიერ შინაგანაწესისა და შრომითი ხელშეკრულების პირობების დაცვას და დარღვევების გამოვლენის შემთხვევაში აკეთებს შესაბამის მიმართვას ბაგა-ბალების გაერთიანების დირექტორის მიმართ;
- ე) აწვდის ინფორმაციას ბაგა-ბალების გაერთიანების დირექტორის სტრუქტურულ ქვედანაყოფში საგანმანათლებლო-სააღმზრდელო პროცესის შესახებ.
- ვ) ახორციელებს წინამდებარე წესდებით და მოქმედი კანონმდებლობით გათვალისწინებულ სხვა საქმიანობას.

### თავი IV. დაფინანსება, სახელმწიფო კონტროლი და საფინანსო ეკონომიკური საქმიანობა

#### მუხლი 10. ბაგა-ბალების გაერთიანების დაფინანსების წყაროები

1. ბაგა-ბალების გაერთიანების დაფინანსების წყაროებია:

- ა) დაწესებულების საქმიანობის ფინანსური და მატერიალურ-ტექნიკური უზრუნველყოფა ხდება თანადაფინანსებით ადგილობრივი ბიუჯეტით, მშობელთა შემონატანებით.
- ბ) სპონსორებისაგან (სახელმწიფო და სხვა ორგანიზაციები, გრანტი, კერძო პირები, საზღვარგარეთ მცხოვრები თანამემამულეები) მიღებული თანხები, შემოწირულობანი, სხვა სახის ფინანსური დახმარება;
- გ) საქართველოს კანონმდებლობით ნებადართული სხვა შემოსავლები.
- დ) გაერთიანების დირექტორის გადაწყვეტილებით მშობელთა შენატანებისაგან შეიძლება განთავისუფლდნენ შეზღუდული შესაძლებლობების მქონე და სოციალურად დაუცველი ბავშვები. აგრეთვე ბაგა ბაღში ტყუპი აღსაზრდელის შემთხვევაში მისი მშობელს მხოლოდ ერთის შენატანი.

#### მუხლი 11. ბაგა-ბალების გაერთიანების საქმიანობის კონტროლი

1. ბაგა-ბალების გაერთიანების საქმიანობა ექვემდებარება სახელმწიფო კონტროლს, რაც გულისხმობს მის მიერ განხორციელებული საქმიანობის კანონიერების, მიზანშეწონილობის, ეფექტიანობის და საფინანსო-ეკონომიკური საქმიანობის ზედამხედველობას.

2. ბაგა-ბალების საქმიანობის კონტროლის განმახორციელებელი ორგანო კანონმდებლობით დადგინებული უფლებამოსილების ფარგლებში არის შუახევის



მუნიციპალიტეტის გამგებელი, რომელსაც უფლება აქვს მოითხოვოს კონტროლის განსახორციელებლად საჭირო მასალებისა და ინფორმაციის წარმოდგენა.

3. კონტროლის განმახორციელებელი ორგანო უფლებამოსილია შეაჩეროს ან გააუქმოს ბაგა-ბალების გაერთიანების დირექტორის არამართლზომიერი გადაწყვეტილება.

4. ბაგა-ბალების გაერთიანებას მეთოდურ ხელმძღვანელობას უწევს და მის ძირითად საქმიანობაზე კონტროლს ახორციელებს განათლების, კულტურის, სპორტის, ტურიზმისა და ძეგლთა დაცვის სამსახური.

### მუხლი 12. საქმიანობა, რომელიც საჭიროებს თანხმობას

1. ბაგა-ბალების გაერთიანებას მხოლოდ შუახვევის მუნიციპალიტეტის გამგებლის თანხმობით აქვს უფლება განახორციელოს შემდეგი საქმიანობა:

ა) უძრავი ქონების შეძენა, გასხვისება და ვალდებულებებით უფლებით დატვირთვა;

ბ) ისეთი გარიგებების დადება, რომელიც გულისხმობს ფინანსური ვალდებულებების აღებას;

გ) სხვა გადაწყვეტილებები ბაგა-ბალების ქონებასთან დაკავშირებით, რომლებიც სცილდება ჩვეულებრივი საქმიანობის ფარგლებს.

### მუხლი 13. საბუღალტრო ანგარიშგება და კონტროლი

1. ბაგა-ბალების გაერთიანება ვალდებულია საქართველოს კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება, შეადგინოს ბალანსი და წარუდგინოს შუახვევის მუნიციპალიტეტის გამგებელს.

2. შუახვევის მუნიციპალიტეტის გამგებელი უფლებამოსილია განახორციელოს ბაგა-ბალების გაერთიანების საფინანსო კონტროლი შუახვევის მუნიციპალიტეტის გამგეობის შიდა აუდიტის სამსახურის ან დამოუკიდებელი აუდიტის მეშვეობით;

### მუხლი 14. ბაგა-ბალების გაერთიანების ქონება

დასახული მიზნებისა და დაკისრებული ფუნქციების განსახორციელებლად, ბაგა-ბალების გაერთიანების ქონებას წარმოადგენს მისი ფინანსური სახსრებით შეძენილი ან/და ადგილობრივი თვითმმართველობის ორგანოს და სახელმწიფო ორგანოების მიერ გადაცემული შენობა-ნაგებობანი, ინვენტარი, სატრანსპორტო საშუალებანი და სხვა.

### თავი V. დასკვნითი დებულებები

მუხლი 15. ბაგა-ბალების გაერთიანების რეორგანიზაცია და ლიკვიდაცია  
ბაგა-ბალების გაერთიანების რეორგანიზაცია ან ლიკვიდაცია ხორციელდება მოქმედი კანონმდებლობის შესაბამისად.

მუხლი 16. წესდებაში ცვლილებებისა და დამატებების შეტანის წესი  
წესდებაში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით.



ბელი

ტარიელ ებრალიძე